

忠義傳 武勇並附

自古英魂毅魄皆天地剛大之氣所結而成夫其專闢封疆致命遂志分之所在凜凜焉上不負國下不負身固已乃至草茅微賤慷慨捐軀豈有所為而為之哉黔陽舊志列忠勇四人茲編入李仲謙宋光祿並所未及搜採者如 國初之胡世華梁紅旂潘閔然易加富易之煜丁遜宗楊時進而繼以嘉慶後二十餘人或膏血原野或苦戰立功或仗義保境雖死生地位各殊然莫非同仇敵愾激於忠義之不容已者也

宋 向貞歸明溪峒人 按明統志麻陽人蓋歸明溪峒地後隸麻陽也 宋熙甯六年為峽

州軍衙頭指揮使 按峽州今為本邑安江鎮 會蠻寇叛貞奮然曰大丈夫當捐

軀報國垂名汗青豈可碌碌人後耶乃身先士卒前驅力戰被執

黔陽縣志 卷第三十七 忠義傳

習降矢誓不屈遂遇害事聞贈內殿崇班詔立廟祀之 大清一統志 參

諸志 楊澈兄弟三人邑之托口人 詳武勳

李明本籍河南祥符來家於安江高宗時官廣勇衛指揮使金兵

南下從宣撫使楊存中過焉外援不繼力戰死之事聞詔以其子

守中為進武校尉 舊志

明 李仲謙正德間苗叛仲謙奉檄倡義捍禦有功事聞詔旌為

義士 攷通志補入

邱式耜明季諸生以忠孝自命鼎革後褻衣大帶見鎮帥慷慨發

論無所撓避鎮帥怒械送武昌幽拘凡數年氣益奮遂死於市方

式耜畢命先撰文自祭辭甚沈痛讀者哀之式耜為邱士琳玉璿

次子家有月浦園極文酒之盛四方來遊者必至其地往往為詩

次子家有月浦園極文酒之盛四方來遊者必至其地往往為詩

以弔地以人重如此舊志附錄武陵楊農峻傳邱式耕字祈年

宗朝為南直隸興化縣丞有惠政解組歸訓課子弟勉以忠孝大

義以故邱之族式其教云勝國之末東北蹂躪於賊燕京不守闖

賊僭竊洪光帝即位於江甯檄告天下忠義之士所在擊賊立功

時式耕年三十拊膺涕泣慨然以國事自任癸未張獻忠破常德

辰郡震恐式耕曰神州之地獨此東南一隅耳當勿令賊踰尺寸

土於是辰之豪傑倡義團練為守禦計獻賊卒不敢窺辰郡式耕

之力居多

本朝定鼎闖賊授首洪光勢不能支又以將相不協尋自潰是時

湖南諸郡尚未入

本朝版圖滇黔楚粵文武官民擁戴桂藩改元永曆卽帝位徙都

於黔省式耕徒步行在獻恢復策帝納其言授翰林院待詔持節

招撫諸賊諭以圖功赦罪式耕入賊中時諸賊各擁其眾彼此不

相下式耕曉之以義曰諸將軍世受明恩今國勢窮蹙若此尚爾

跋扈自相雄長欲何為乎若亟湔洗前愆聽今皇帝約束戮力同

心規圖恢復千秋萬世忠義之名垂於不朽不猶愈於互相殺

甘作鯨鱗生死朝暮間乎賊眾皆泣下投戈而諾勝國之勢自是

稍振會李閣部若符駐黔陽調度諸軍式耕奉檄下辰州

本朝總鎮徐公勇明之舊將也式耕單騎至軍中長揖語國事徐

日識時務者為俊傑今天命有歸明之君臣雖收合餘燼亦苟延

旦夕耳何若為吾鄉導進取滇黔功成上

聞腰間佩斗大印不庸愈乎式耕厲聲曰士各有志此豈吾所忍

聞徐怒其不遜繫之軍命卒看守適兩軍方相持徐慮有變械送

黔陽縣志卷第三十七忠義傳

武昌俄

大兵取黔陽閣部不屈死當事並以式耕事

聞奉

世祖章皇帝諭曰永曆非逆主式耕非叛臣著鞍馬護送原籍歸

田可也於戲大哉

一腐粟耳時

旨猶未下當事恐其搖惑軍心而式耕亦不欲一息偷生為文自

祭載邱氏家乘至今讀之凜凜有生氣當事竟以之置重典臨刑

之際顏色不變武昌數十萬眾無間官民賢愚靡不歎息泣下少

頃邸報至乃知

聖恩之寬大若此云式耕無子一女適王金元以苦節著

逸史氏曰邱先生一書生耳非若雍齒之擁重權信國之係重望乃

徒步詣行在獻策招撫偏安之業幾於一振卒以天命已去時不

可為而先生遂以身殉矣非不知明運日感游說無功良以忠義

所激死生成敗有所不暇顧耳偉哉烈丈夫也自祭文謹以泪

羅之水首陽之薇致祭於大明招撫使邱君式耕之神曰我與爾

生長龍標之煙溪分別武昌之江夏嗚呼人生離別固有若是其

倉猝者乎嗚呼人生離別固有若是其從容者乎惟昔未有我先

有爾一有我爾體我我與爾相附而不相離者三十年於茲矣獨

奈賦性愚樸以致今世遂忘前事故囑爾後世無忘今世事家

傳清白世受國恩與爾共之未嘗離也琴書一篋孤矢四方與

爾共之未嘗悖也事親從兄和妻信友與爾共之未嘗負也祇因

王氣偶歇元元降割庸臣誤國神州陸沈雍州金新安與民効死

姜大同金玉章孤軍倡義以及楚魯吳越間梁鳴馬怒者不可勝
數無柰王師遠隔援兵莫及悉遭慘屠嗟乎未嘗不盡苦我而夢
勞爾也頃自王師東下未忍殺戮希以三寸舌拯救時弊孰知齊
城未下而酈叟就烹身作俘囚竟與爾永別乎一別之後爾且非
歸直至承天鳳陽紫金山諸陵見二祖列宗於地下訴敗亡非
築紂之君轉由鄒魯謁孔孟之靈謝枉讀詩書之責然後返二西
歸故閭送夢於老母告以爾我分別狀亦母甚悲痛激切有傷母
心其兄弟妻孥煩爾轉達無須繼絕也於是上朝金闕下達微忱
陰護王師再圖恢復則果哉其無忘今日回天之義弟之孝友不煩
握拳透爪之能所賴爾氣浩大有貫日回天之義弟之孝友不煩
泉石爾歸天而氣壯山河我言我行爾切記之我水我薇爾歆嘗
之內至於老母少婦自有明主達臣之矜恤仁兄義弟之孝友不煩
黃本驥書祈年自祭文後湖南通志載邱式耜以忠孝自命鼎革
後衣衣大帶往見鎮帥慷慨發論無所撓避鎮帥怒械送武昌死
於市此文其臨刑作也伏讀乾隆四十年

勅詞我朝定鼎之初於勝國死事之臣若史可法之支撐殘局劉
宗周黃道周之臨危授命均足稱一代完人為褒揚所當及其他
或死守城池或身殞行陣與夫俘囚駢戮視死如歸者爾時王師
徂征自不得不申法令以明順逆事後平情而論若爾人者皆無
愧於疾風勁草即自盡以全名節其心亦並可矜憐雖福王不過
倉猝偏安唐桂二王並且流離竄迹已不復成其為國而諸人茹
苦相從捨生取義各能忠於所事亦豈可令其湮沒不彰自宜稽

黔陽縣志 卷第三十七 忠義傳

考史書一體旌謚其或諸生章布及不知姓名之流竝能慷慨輕
生者議謚固難於概見亦當令俎豆其鄉以昭軫慰大哉 綸言
至公至正為自古殉節諸臣未有之盛典也若邱式耜之為桂王
盡節誠有合於諸生章布慷慨輕生之論允宜俎豆其鄉以
彰我朝優卹之至意無如黔邑為楚南僻壤事遠年湮無人舉
報故式耜不得列名於欽定殉節錄內即此自祭一文亦祇
抄本流傳其家至不敢出以示人不知文內所稱王氣偶歇元
蕩卽思陵所謂諸臣皆亡國之臣耳與桀犬吠堯者有別尙何疑
於節孝錄表之矣偶過邱氏得見式耜此文因搜輯於月湔園詩文鈔
亟為編入重其人故式耜其里也使式耜此文得傳於世後有當事
者請於朝既可光俎豆於鄉閭亦可慰忠魂於地下是亦司鐸
見人以節重園以人重也茶陵譚雅弔祈年文學詩二百年來
養士優得君韋布少相酬捐軀東海羞秦帝全髮南冠泣楚囚血
化漢江千頃碧氣蒸雲夢一天秋遺骸應傍衡冢萬古同香鸚
鵝洲又六世從孫開來次譚雅韻一首艱危報主學先優一木
支傾志莫酬博帶衰衣全浩氣高牙大蠱愧降囚中原戰壘餘衰
草南國儒冠哭暮秋史筆何年光勁節英魂長戀白蘋洲 又闢
海林悲忠歌嗚呼天不復許明鼎全海上 真龍飛入關洪光
破亡隆武敗桂藩賸地如彈丸先生獨知有君父單身走謁行在
所慷慨指畫陳機宜隻手欲還舊疆土已說草竊收渠魁更持行
節揖帥府日月沈暗難重光却欲先生俯歸降編題鐵心誓不屬

甘作楚囚來武昌 武昌屯兵三十萬 一夜軍心驚欲變 元戎草奏

放歸田里中 聖主大度逾雲漢 詔謂此生愚而忠 是宜

不堪讀無術能回運 百六近有閣部遠文山 千古忠魂同一哭 至

今什襲藏遺文 子孫不敢輕示人 豈知殷頑梗 周化絕異桀 犬吠

遺烈揭鉛槧 櫛予作幸過 半年無能上 聞請郵典呀 嗟乎先生浩

氣終難磨 何人讀我悲忠歌 為公俎豆於鄉 邀恩波 芷邑唐可

人弔祈年詩 萬鐘人幾許 殉國乃書生 不減首陽節 甘同鄺叟烹

英魂沅水 岸落日武昌 城自祭何悲 壯聽愁聽杜宇聲 激邑謫瑤

弔祈年詩 海嶽眼中小 長劍天外橫 奇氣自飛 盤萬古 凌蒼冥 精

華偶然洩時作 威鳳鳴顯晦 任遭際 忠孝根至情 勝國惜陽九 氣

節銷公卿 忽焉王網墜 羣盜窺神京 諸藩等閭位 行殿如飄 蕪矧

此楚湘 粵虛立十三營 水涸白龍困 運去蝸角爭 迎降多達 官方

面無堅城 乃有草茅士 獨將肝膽 傾卸御精 衛石大呼 烈祖靈團

練復招撫 灑滄望中興 虞淵日難 捧天意 歸皇清 紛紛執戈

者赫赫 新朝英 腰間斗大印 旗鼓隨南征 軍中走單騎 長揖

來書生 正言折舊將 白日飛雷 霆吁嗟 識時傑 不量公精誠 冠以

楚囚 重命覺鴻毛 輕甘飲 滯羅水 一笑攀髯 行萬眾 慘顏色 箕尾

餘殘星 松筠表孤嶺 勢位空百齡 當時各節 鉞寂寔 身後名 而公

一腔血 白芷同芳馨 成功異陸 賈報恩 感候羸 遺文鬼神 護不顧

流俗 驚名園 朽未朽 楚山青 復青 試聽 濟溪水 晝夜鳴 咽聲 邑

人易盛 選弔祈年詩 黔陽東去 二十里 中有園亭 甲舞水 仙月光

激浪雪 翻春風 滿地愁雲 委在昔 明運未及 傾先生 高卧碧山裏

黔陽縣志 卷第三十七

中心義傳

四

泉石位置 經濟才 鑿刻造化 逞奇偉 一朝龍去 鼎湖寒 攀髯墮地

遺其尾 中原萬里 不得歸 自吳楚 粵無堅壘 窮荒殘喘 那復延從

此山人 奮袖起 恢復十策 洒淚陳 欲以隻手 回滄海 詞嚴義正 降

臣羞慷慨 數語軍前 死江漢 聲吞片玉 碎文成 自祭泣 真宰我從

荒圃拜 公墓宿 草迷離 土花紫 千秋怨 血飛碧 燐一代 高名望 青

史未識 遐方有 奇士空 山日暮 魂歸來 風景已 非巖壑 是誰請 郵

典酬英 靈入告 無人愧 桑梓 新化易 變堯 帛祈年 二首 石怪 苔

荒樹色 昏當年 風雅更 休論寒 烟慘淡 空山月 古徑蒼 涼烈士 魂

一代車 書歸運 會千秋 江漢隔 園林 故家誰 寫孤忠 錄寂寞 牆花

舊淚痕 其二 曾讀遺文 涕輒揮 泪羅江水 首陽薇 崎嶇嶺 嶠家

何在 慷慨書生 計豈非 滿地悲 風餘片 石百年 衰草自 斜暉 何時

附宋光祿以方傳

宋以方字義卿 宏治十八年進士 歷戶部郎中 正德十年遷瑞州

知府 時華林大盜 甫平瘡痍未復 以方悉心撫字 吏民愛之 宸濠

逆謀萌 而瑞故無城郭 以方築城 繕守具 募兵三千 日夕訓練 宸

濠深忌之 有徵索 又不應 遂迫鎮守 劾繫南昌獄 明日宸濠反 出

以方脅之降不可械舟中至安慶兵敗問地何名舟子曰黃石磯

江西人音則王失機也宸濠以為不祥斬以方祭江後賊平其子

崇學求遺骸不得斂衣冠歸葬嘉靖六年巡撫陳洪謨上其事詔

贈光祿卿廕一子立祠瑞州本邑祀鄉賢明史○附錄祭酒張邦

卿別號西溪先本廬陵裔七世祖諱賢可仕元沅州路通判因家

黔陽之安江子繼祖入國朝隸尺籍徙靖州衛生仕良是為高祖

曾祖文勝祖誠皆不仕父明贈戶部主事公宏治十八年舉進士

授南京戶部主事至司攝篆關後湖圖籍尋權新河稅立法釐弊

有冒婪者置之法時逆瑾用事怙勢求脫部侍郎欲貴之公對曰

甯罷官歸敢廢法乎諸瑞銜之以他事搜捕胥隸胥隸恐不往曰

無憂也我當以公道白之瑞竟屈服歷陞山東司郎中出守江西

瑞州府瑞古靖州也公始下第嘗泊舟鄱陽湖口夜夢吏持檄投

曰帝命汝守靖州應曰吾鄉土也辭去復來曰非命汝作靖州守

命汝靖州作城隍也寤不可解者二十年至是闕郡沿革志知為

靖州而城隍之說幻不可曉時甯庶人宸濠蓄異謀公廉得反狀

恐變作無恃以贖金易粟度可為戰守計增募民兵三千人為

訓練以備不虞凡濠有事於瑞厲民者一切峻拒之先是濠以非

法中人當道檄南昌推官會按其事公為平反按者數諷附之斥

曰吾肯殺人以媚人耶益見忤濠基命撫鎮劾公逮問公行父老

遮曰公素與濠左濠固以是阱公公其以死行乎曰君命也敢不

縣志 卷第三十七 忠義傳 五

往封疆之臣死於封疆久自許矣到處青山可埋骨也遂往中途
召屬吏手書與之訣比至遂下獄明日濠突稱兵反兵入南昌破
獄被執械繫隨行呵令從反公慷慨應曰吾有死耳制之益固舟
至彭蠡望康郎山曰吾得死所矣遂奮罵投水中復為後舟賊兵
鈞戟上船詰旦濠令儀賓張果領賊林十一者到船執公遂遇害
焉年四十四或曰城隍之夢今應矣其孤崇學崇簡聞難奔赴沿
江號血求遺骸不得乃斂衣冠齒髮以歸瑞人胡少參謂公忠烈
不可無表見請於直指唐公上其事行江西嚴實巡撫陳公洪謨
具奏嘉靖五年命贈光祿寺少卿廕一子入監讀書賜祠額旌忠
祀之南昌靖州守亦以公忠節大義可風鄉開立祠於鶴山之陽
芷邑唐可久詠宋瑞州詩徒以衣冠墓凄然宋瑞州黃堂餘片
石碧血灑孤舟南浦悲歌地西山暮雨秋誰知捐命處先作夢中
遊 又激浦謠詠宋瑞州詩廬山雲不飛金牌鶴無算力結中
朝歡護衛又重建夜半歸帝星垂誕到黃幔成祖貽厲階桐珪豈
初願盜賊皆腹心爪牙遍郡縣公初臨瑞州禍機已先見固圍城
急修折奸力逾縱微索多所違以茲獲重譴繫獄冤久沉賜瓜忽
生變械置舟楫中血噴章江岸名與孫許齊氣覺斗牛貫大義維
人心揮戈共防捍所以黃石磯擒王夜傳箭一死非尋常仗義即
勘亂衣冠坏土藏英靈耀史傳人生無百年精金幾鎔
鍊展卷神先傷慨然發長嘆沆芷香到今清芬遍江漢

國朝 胡世華供一里人順治初流寇竄境世華率鄉勇捍禦每

出戰賊皆披靡與其戚蔣某逐賊茶陵塘為所乘俱死

梁紅旂兄弟三人有神勇善騎射順治五年流寇王進才馬進忠擾縣焚掠鄉村兄弟簡練鄉勇邀擊力竭皆自到馬上並馳至楓坪界始墜馬不食死里人於其地作祠祀之屢著靈應

潘閔然字孝哉少穎悟日記數千言明季寇亂乃學韜略騎射擊刺無能當者順治四年張先壁率十萬眾屯沅州黔陽前鋒林得勝掠餉甚急閔然單騎求見陳說利害爲立禁其下留授副總兵固辭而歸七年潰將王進才以步騎五萬至焚戮最慘閩邑皆罹其難閔然率鄉勇堵截險隘賊不敢犯時野無所掠退屯石寶欲從辰陽入永順會固山曹率輕騎五千夜砍其營獨進才與數騎逸去眾潰餘皆殲焉萬口稱快實閔然秘遣人爲鄉導云不矜己功優游鄉里韜晦以終

輯國初瞿士容傳

易加富易之煜與族人關民萬金惠然等同以材武稱順治初靖

黔陽縣志

卷第三十七

忠義傳

六

州叛將陳友龍據激浦之赤巖嶺流寇王進才踞羅翁山高必正李赤心郝永忠等潰軍亦沿途殺掠加富之煜等誓眾守禦數敗賊徒得免害武岡徭變賊有號紅旗手紫光頸者最獷悍率黨入境富等率眾禦諸隘里中周姓亦助攻遂殲賊無遺康熙五年二人從知縣張扶翼平荊溪藍家洞羅翁山徭欲上其功皆力却不受終於鄉

按同時仗義保境者又有加黃文薦忠君志雄皆以忠勇著

丁遜宗膂力絕倫順治六年流寇王進才馬進忠竄據羅翁山所在焚掠遜宗簡練鄉勇三百人結寨壘谷屢與賊抗賊遂大至遜宗先據峽巖分百餘人從間道抄賊後夾擊破之斃賊五十餘人墮巖澗死者不計其數賊走又逐之二十里外殲四十餘人由是不敢復窺康熙初峒蠻亂城步大擾遜宗時爲騎士夜襲賊營斬其酋而還以疾歸遺佩刀長四尺子孫至今珍藏之同時丁萬孔

亦以忠勇著

楊時進字申吾石一里人魁梧多力順治六年王馬剽掠時進以隻身殺退數百人闔境賴以安堵經略洪承疇聞其勇召赴慰勞欲攜與俱時進辭不願往厚賞之給以護身所用兵器數人不能舉人比之劉大刀云

邱忠玉

詳武勳

伍通標

詳武勳

易鼇峯原名孔彰字煥卿邑之太平鄉人年少慷慨自矢咸豐四年入辰勇營初理書檄以膽力為軍中推服當事促帶奮勇百人進剿新田江華桂陽郴州等處保藍翎把總會粵逆再犯武昌奉調湖北連克蒲圻通城嘉魚諸城疊擢至花翎都司進攻武昌城賊充先鋒乙卯四月初二日率所部奪取忠孝門礮臺克之適上

黔陽縣志

卷第三十七

忠義傳

七

遊敗賊衝散後應孤軍鏖戰力竭遇害同死者九十六人時領兵官病故未及 上聞壬戌知縣黃杰查其死事之烈詳請入

奏

賜卹如例祀京師金陵九江湖北長沙湘鄉本邑昭忠祠

撫子夢松襲雲騎尉

易孔昭先兄煥卿事畧兄生有至性多材藝讀書能觀大意與昭同硯席每閱史傳遇忠

義不伸其志者輒拍案起零涕歔歔昭尚幼怪問之則哽咽不能語事親孝而家苦貧年十三棄儒而商弗安也精音律書畫甫成童日繪數紙售以供菽水嘗學劍中夜起舞慨然有當世之志方勇逆遍擾東南屢欲從戎以弟輩弱不果行歲甲寅湖南永州柳桂等處乘賊上竄土匪四起鄰邑有募辰勇者軍將成先兄坐卧不安詢昭曰我從征可乎昭曰請於親何如時父客外請於母母曰男兒當立功萬里果能為國出力二三子俱往可也我二人年未老尚能作生活以自度兒有志無以家人為念若徒謀升斗祿以養親則如勿往先兄再拜膝下束裝赴募營將見而異募下甫至江華賊眾數千圍攻是時營將先出隊迎賊僅百人營先兄四面接應賊少卻及見東面旗幟知為我兵將近身自陣衝殺賊知有援遂潰去營將以百人皆先兄所活膽力可倚使為之長由是摧堅折銳所向克捷保藍翎把總有約歸者應曰方今軍事孔棘不盡殺賊而歸恐貽吾親羞也值粵逆再陷武昌援求楚師急奉南撫駱調入鄂一月之間連復蒲圻通城嘉魚等城功俱冠首保花翎都司嗣抵武昌忠孝門外率百人屢戰屢捷偵

知城賊勢孤請以所部攻其礮臺既克而接應兵先為上遊敗賊衝斷背腹受敵自辰至未力漸不支振臂大呼曰事至此萬無生還之理然大丈夫死耳勿降也乃先突圍斬賊將數人及半里許身受重創而死同時致命者九十六人其四人由水脫歸時乙卯四月初二日年方二十有五也內武姓者後充昭營總哨得悉其死狀如此

易繼福咸豐四年入辰勇營從征湖北後入鮑超營為敢死士所向有功保藍翎把總至安徽撲賊營中礮死

蔣仲璋咸豐四年沙灣土匪謀亂劫掠市中璋獨力拒之遇害

易孔需年少多力善擊刺同治二年從其從兄孔昭東征明年六月十六日攻克金陵身先登城戰死

贈卹如例入祀金陵昭忠祠

忠祠

郭傳道自號牛樵邑增生性古直每誦文信國過零丁洋詩人生自古誰無死留取丹心照汗青句輒歔歔流涕咸豐十一年十一月粵逆石達開由會同竄黔陽擁眾十餘萬傳道率鄉勇禦之於

黔陽縣志

卷第三十七

忠義傳

八

雞籠山會賊大至眾潰死之

向禮耘邑供三里人兵部員外郎向禮耕之胞弟生有氣節咸豐十一年十一月初五日奉調追賊至二都一里長冲奮勇衝殺眾寡不敵戰死知縣黃杰詳請入忠義錄祀昭忠祠

邱厚瓚附生性古厚孝友温恭家居種花自娛年八十矣咸豐十一年十一月初七日見賊擄掠怒斥之賊憐其老邀與飲厲聲罵

曰大兵一到不知爾輩作何死法敢以酒污我耶賊抽刀三截其腹而死知縣黃杰詳請入忠義錄

張長生邑之托口人督鄉勇禦賊眾潰被執於懷中搜出團册拷掠逼供不屈怒解其體時咸豐十一年十一月初二日知縣黃杰詳請入昭忠祠

欽隆墩從九咸豐十一年十一月率團勇誓眾殺賊被執不屈罵

詳請入昭忠祠

詳請入昭忠祠

詳請入昭忠祠

詳請入昭忠祠

詳請入昭忠祠

詳請入昭忠祠

賊而死

粟際壽咸豐十一年十一月督團拒賊敗死全家被難

鄧賢淑性慷慨尙義咸豐十一年十一月督團勇退賊有功拔補外委同治二年髮逆回竄率團勇擊賊死之

馮萬邦貢生咸豐十一年遇賊被執拷掠不屈罵賊而死

馮千金監生成豐十一年被執不屈賊脅以刃憤罵不已賊怒殺之其妻陳氏赴水死

苗老三逸其名奉守托口朗溪書院初粵逆往還兩次皆以大義告使勿燬得全同治六年正月苗逆夫至告如故殺之門首書院被焚

楊文魁偉岸多力住城南二十里之大岳溪咸豐十一年十一月初三日石逆大至居民奔避魁至黃舡洲不得渡匿蘆中賊一旗

黔陽縣志

卷第三十七

忠義傳

九

十餘人至搜獲男女數輩呼號乞命魁憤怒持巨梃出鬪擊數賊仆賊復招五旗至四面裹殺身被數十創而死

黃作均邑之原神里人祖父以詩書世其家均素負氣節家貧恆一二日不舉火不屑稱貸族人見其困憊輒周之然非其人不受也咸豐十一年石逆驟至妻子奔避他所均抱祖父栗主不忍去賊招之不顧數賊挾以行大罵不已斃於浙溪

趙爲鏞監生邑之托口人同治七年苗逆大至攜家奔舟爲下遊賊所阻時避難者舟相屬賊沿江擄掠鏞憤罵聲礮擊之者數賊怒殺其一家七口

黃由泮住邑之江西街充當義字團勇同治七年苗逆至托口時龍標軍五百隔江堵禦賊夜首尾乘之遂潰黃方挑送火藥塗遇賊鬪而死屍僵立數日不仆里人神而歛之

張多鳳原神里人咸豐十一年閩家避難於白茅塢賊至奮力格鬪遇害其家同死者十一人

楊世澤雙溪舖人素行忠厚年逾八十咸豐十一年避難土穀田見賊掠少艾怒責之賊若弗聞乃以杖擊賊顛羣賊縛澤於厠罵益厲遂見殺

附咸豐十一年粵逆同治連年苗逆邑中被害士民勇丁

國朝例載鄉勇隨同官兵打仗殺賊立功續經打仗陣亡傷亡者照步兵例議卹如並未殺賊立功及因公差遭遇賊戕害者照步兵例減半議卹若係自衛村堡並非官派打仗遇有陣亡傷亡均毋庸予卹准其入祀本處昭忠祠咸豐三年

上

諭軍興以來被賊滋擾地方士庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特

黔陽縣志

卷第三十七

忠義傳

十

恐僻處鄉隅不獲上邀旌卹以致湮沒弗彰朕心惻焉著各督撫通飭所屬迅速查明遇賊死節士民婦女等除照例應請旌表外其殉難尤烈者並准其奏明請旨分別賜卹欽此仰見

國家逾格恩施嘉獎節義之至意誠足以慰貞魂而勵人心嗣於咸豐九年經部臣奏定章程凡陣亡殉難文武職官生監兵勇人等如係生前功績卓著或臨敵鏖戰殺賊多名或被執不屈或被害慘烈一家同時陣亡殉難或看守重大官物被戕者准酌請優卹其有一人身兼二三項情節及首先陷陣登城者准酌量捐階議卹殉難尤烈人民實屬殺賊陣亡者雖非隨同官兵究屬同仇敵愾勇烈尤著准請議卹其餘罵賊被戕不屈自盡並非陣亡者應另繕請旌不得混同請卹蓋於擄節之中仍不失褒卹之意黔陽死綏之士具詳忠義傳其咸豐十一年至

同治七年疊遭逆寇所有抗賊遇害者特錄著於篇云

咸豐十一年十月二十八日至十一月初七日粵逆竄達開竄

黔陽殺賊陣亡者三里團勇黃官榮向明俊楊光明黃華昌托

口團勇張長生張重喜張四崽邱發林瞿家祥王長壽江西人鄭

國良黃觀音本城練勇朱得貴周元明梁啟發劉勝明楊正魁

洪大勝張連升向禮耘已上具見昭忠祠郭傳道潘耀南生

張多鳳欽隆墩粟際壽楊文魁已上拒賊而死皆有傳邱厚瓚有傳馮萬邦

有傳陳朝誥生馮代吉唐學成廖宗海監生劉燦章生馮千金

監生楊世澤有傳黃作均有傳張安進張繼橋張五隆楊昌萬楊

新發韓紹崑欽永茂邱玉堂楊世亨邱開世陸老及汪史文李

嘉賓潘尙坡潘富轄潘一毛邱履懷邱貽發欽賢侍已上罵賊而死楊

世暢黃橋紀朱長已劉太昌馬密桐張安良張安吉粟秋魁唐

黔陽縣志 卷第三十七

忠義傳

十一

先進黃猷顯瞿明遠蔣開甲黃官數張和融張慶雲張受蒂張

多稼張多福張慶梁張固子張慶清張齊已楊富相危成壽唐

元魁郭方連韓明月瞿紹松邱基密邱才神邱培芳馬固子蔣

明富唐大文唐大富唐大田李仁恩李朝柄韓細毛陳尊五廖

承孝張昌盛欽官音楊多受伍顯崇廖來太廖於賴陳初旺邱

之泰竇世華許慶元彭廷鳳廖登鳳曾洪昌曾庶明熊烏巴子

張尙林楊播子吳士作李永標李啞子龍載已唐文孝周永高

潘重轄潘漢汪潘青明潘佳節董才麻張科福梁克順劉潤發

粟際順粟明發粟明誠粟明松江勝餘江勝朝江壽宗劉老永

欽隆恩伍保林蔣秀金又蘇冠豪福建人向開專徽浦人楊永高江

人○已上不從賊被殺又馬再麻全家被殺黃昌富全家赴水死

同治二年粵逆李復猷回竄黔陽陣亡可攷者四人蔣開治張

克膺鄧才敏鄧賢淑

賢淑有傳

被執不屈者一人韓啟鳳

五年苗

變陣亡可攷者二人唐政明曾佑五

六年苗變陣亡可攷者

四人陳月亮龍舒林張其嘉唐金喜又不從賊被殺者二人施

正福彭相貴

七年拒賊而死可攷者二人趙為鏞

有傳

黃由泮

有傳

附

夏可升沅陵人順治三年黔寇王進才馬進忠攻陷城邑可升

時奉檄備禦沅黔與賊戰歿於陣巡道范某憐其義殮葬之後

其孫諸生禹德過黔陽勒石封其墓

通志

補錄 廖自集咸豐五年由軍功從征湖北漢陽漢鎮等處以功保外委嗣在省城外力戰陣亡奉 旨從優議卹給雲騎尉世職堂姪遠光承襲

董起隆咸豐五年由鄉勇從征湖北以功保外委旋攻賊於省城外奮勇爭先與廖自集同日死優卹如例給雲騎尉世職以董起瑞次子忠孝嗣襲

陳汝堃年二十六歲入安徽飛虎營每戰率先擊賊多將軍稱之給六品軍功咸豐九年隨統帥赴潛山縣遇賊於靈淹死之優卹如例給雲騎尉世職胞姪家稔承襲

蔣文榜咸豐七年投効虎威軍隨勦窰黔粵匪積功保藍翎守備十年十二月初三月從征定番州與賊戰於赤土力竭遇害優卹如例給雲騎尉世職堂姪宗鏞承襲

黔陽縣志

卷第三十七

忠義傳

三

鄧紹林咸豐七年入虎威軍以功保藍翎把總十年十二月初三日隨勦貴州定番州粵逆沒於陣議卹如例給雲騎尉世職

蔣登鳳咸豐三年隨楚軍征皖以功保把總十年正月在潛山太湖等處血戰捐軀奉 旨優卹贈千總銜給雲騎尉世職

謝富有同治二年赴陝甘軍營勦辦捻匪積功保守備儘先拔補八年四月隨同克復靈州奮勇爭先力戰死之奉 旨優卹

贈都司銜給雲騎尉世職

謝恆萬同治元年由鄉勇赴陝甘軍營投効以勦捻匪功保把總九年四月連克北路寨壘復攻中路力竭被戕奉 旨優卹

贈千總銜給雲騎尉世職

陳官陞同治三年二月隨勦捻匪保外委九年四月攻中路賊壘死之奉 旨優卹贈千總銜給雲騎尉世職